

道法會元卷之一百九十三

道法會元卷之一百九十四

洛七

太乙火府五雷大法行移

家書式

具位嗣教第幾代孫姓某惶恐頓首再拜家書上申

祖師中天樞相伏魔許真君凡前某不避

斧誅僭陳丹懇謹據某人詞稱伏為某入意

得此某叨叅

道法職在濟人茲見來詞懇切不容抑違謹

取今月某日良宵就某處恭按

太乙火府通神祕法謹為拜奏

斗極祈

恩謝過請福延生爰有牋奏一通劔尖勘合

符命一半於牋狀前一半於家書前隨書上

詣呈達欲望

師慈俯垂省覽繳連騰奏

帝闕請降

勅旨頒下三界真司掌隸災祥去處及獄府

城隍

赦宥見患某夙生今世故犯誤為一切無識

愆尤咸祈冰釋仍冀

差降太乙火府都總管李元君部領主將丘

青副將王成之雷神孔明釋林慶直符謝祐

白仲等部領雷神合干官將於患人某家駐

劄為見患掃蕩妖邪解除患難仍乞頒降

正真生炁灌注身田使五臟清涼六腑調泰

星辰順度壽命延長是夜望賜開雲現斗明

示吉凶大彰報應即使所告者通所讓者却

俾令病患早賜平安仰沐

生成敢忘報補如蒙

師允即賜感通干冒

師嚴某下情無任戰慄祈

恩俟命之至謹書

年 月

日具位嗣教第幾代孫姓某上申

外封

家書再拜上申

具位嗣教孫姓某謹封

祖師中天樞相伏魔許真君凡前

背書

年 月 日就某處拜發或云某字號家書

箋斗府狀式

具位臣某

右謹據某入事意臣領詞虔恪不容抑違謹

取今月某日夜就某處恭按

太乙火府通神祕法謹為拜奏

太乙延生解厄朱表一通上聞

斗極為某禳災謝過請福延生依

科奏告未敢自專除已將勘合符命一半連

粘家書上申

斗中樞相許真君轉聞外謹具牋狀頓首再

拜上啓

○中天大聖北斗九皇尊帝星君至前恭望

聖慈允臣所啓特降

恩命頒行周天曹局本命星宮三官四聖天

府土司一應去處乞為在患某禳禳災厄延

益年齡赦宥愆尤保扶身命奏告之際臣遣

將齋符上詣

闕下呈奏之時早冀

天光下燭

帝駕鑒臨俾患者某命運可保安康是夜即

賜天朗氣清諸星皆現如或陰翳亦賜開雲

現斗或現本命星辰或紫雲穿斗以為效信

如或某身命當火固獲痊可即賜雲翳蔽星

風雨不止吉凶悔吝明示報應庶使人心皈

仰大道興行干冒

威嚴臣下情無任激切俟

命之至謹狀

年 月

日具位

臣姓某上啓

關直符

太乙火府

本府今發牋狀一函及家書一角謹詣

○斗中樞相伏魔許真君門下引進須至關

遣者

右關

直符謝祐元帥驅雷白神元帥直日雷神某

只今齋詣

師庭以時上達雲程有限立俟昭彰

年

月 日關

告斗朱表

具位臣姓某誠惶誠恐稽首頓首再拜

上言臣聞斗現九星之象喉舌攸司人瞻

八景之光身心皈嚮屬厄運纏綿於藥裹

叩真靈急告於微垣切以

太上慈悲廣示懺禳之典凡情愚昧幸知

解謝之門謹據某入事意臣領詞虔切不敢抑

違自顧心猶昧道體未洞真本不敢輕易

以投誠又恐負懺禳之實意來詞虔恪注

意精勤謹齋沐以飯

真敢勤奉而拜

奏取今月某日夜就某處恭按

太乙火府通神祕法既投

○斗極謝過祈

恩臣誠惶誠恐稽首頓首謹為拜奏延生

解厄朱表一通臣俯伏飛神謁奏

中天大聖北斗所屬星君至前伏望

光流樞極正三台華蓋之神

瑞靄璇璣除二炁妖魔之厄臣所奏特

為轉聞頒降

恩命宣告本命玄曹太歲然局十方三界

陰祿陽曹俯為某赦其已往之愆開以自

新之路度穰災厄解釋冤仇俾得慈然潛

消星辰順度邪妖殄滅疾患平康仍為抱
病第子其增延壽筭添注福祥

錫九轉之靈丹獲十全之功効仍丐降注
天罡華蓋正真生炁流入其身田之內毫
竅之中務俾五臟清涼六腑調泰焉垂

矜允即賜感通 如後段結尾

又式

北極某星君統制

乾坤樞機造化調和元氣上朝
北極之尊幹運洪鈞主宰

中天之柄起死迴生

神化至妙洗愆謝過胎靈如存伏願
俯鑒微忱式延殘喘像威儀宣科教冀垂
大造之慈居吉慶處福齡永注

長生之籍如蒙

矜憫明鑒昭彰干冒

宸威臣下情無任瞻

天望

聖激切屏營之至謹奉表奏
進以

聞臣誠惶誠懼頓首稽首再拜謹言

年 月 日具位臣姓 表奏

編十二雷神

太乙火府

本府今月某日某時擬某詞稱伏為某為

某事得此已經給符煉治未獲痊安當職
再領來詞虔恪不容抑拒若不作急救治
誠恐差池有負投托除已拜發家書上申
祖師樞相伏魔許真君先行騰奏

斗府擬取今月某日夜拜發

太上延生黃素朱表一通特為某懺滌罪

愆消攘災厄保命延年今將

祖師伏魔真君治病伐廟斬魘遣崇
真符黏在于前須至編者

右編上

太乙火府主將丘青元帥副將王成之元帥

掌令陳一言元帥青雷李德用元帥饒伐孔
明輝元帥火雷崔寶元帥水雷周明靜元帥
飛火紀茂卿元帥黑雷劉道明元帥主律林
慶元帥驅雷白伸元帥直符謝祐元帥五雷

諸部兵馬前去會合城隍督勒當境土地詞
家司命六神等照依備去事理請各遵

太上元降符命徑為見惠某上消天災下禳
地禍或本人宿今冤况先亡諛訶一切愆尤
恭準

原赦即請各統本部雷兵千乘萬騎嚴整器
械肅爾威儀遍搜淫祠妖寨巢穴但是為禍
之者不問內外親疎封勅神祇逐一擒捉如
不伏收捕者仰大震

雷威即便勒滅施行立取退病還魂安可為
效或星辰逆度特與穰度施行是夜仍請屏
斥妖氛導迎

景既俾風雨肅靜四炁朗清大開雲翳現出
斗星通誠達懇上告

斗真務俾病身平復門戶清寧當職祈所
禱如意感通庶使

道法興行
真風流演大賜昭彰火急奉行謹編

年 月 日 時編
具位 姓 某 押

申狀用角封

具位姓某

今月某日為某入事拜奏朱表一通上詣

北斗第幾宮星君某宮某府申上須至申

聞者

右謹具申

斗中直宿星君伏望

真慈速為通奏即得

上達謹狀

年 月 日具位 姓某狀申

文字關

太乙火府

本府今啓發文字下項

一朱表一函重封印全謹奏詣

璇璣王府某宮投進

一申狀一角封上詣

斗中直宿星宮呈進

一編一道至

太乙火府雷神主帥丘元帥等前下須

至關者

右關

太乙火府直符謝某元帥雷神紀成卿元帥

本壇諸部天雷帥將同四直功曹符使土地

正神只今齋詣各宮投進幸勿稽延立俟

報應

年 月 日時關

三寶真文式若發家書後天陰或下兩不止可發此

具位臣姓某

謹據某事得此已於今月某日某時拜

發牋狀及家書上詣

祖師伏魔許真君轉聞

斗府為某消災度厄祛病祈安擬於某日

某時就某處拜發黃素朱表上通

北斗某宮今則天雲陰翳星斗不明風雨

淋漓難以行持奏告為此謹依

師訓拜發

天寶玉清大洞尊神真符

篆符

敕籙軒輶輶軒輶軒輶某部疾速報應臣

姓某恭準

元降三寶真文謹詣

太乙火府都總管李元君部轄主將丘青

副將王成之直符謝某雷神紀成卿陳一言

蚩尤大將王公輔各統合屬官吏立為屏

斥妖氛化形

真境止雨停風壇界肅清四天明朗大關

雲翳現出斗星容且所禱憐憫凡情庶使

見惠某早獲平安

道法興行

真風流演某所禱所願即賜

感通且姓某謹宣

年 月 日具位 姓某

求嗣家書

具位嗣教第幾代孫姓某惶恐頓首稽首

再拜上申

祖師中天樞相伏魔許真君凡前某不避

斧誅借陳丹懇謹據某詞稱某本命

年月日時生上屬

北斗某星君主照切謂祖宗付託子孫為

重切慮夫妻命中或臨三刑六害或值家

宿孤辰子息難育無後可憂投向奏告事
得此照得來詞求嗣以紹祖宗不敢拒抑
尅取今月某日夜就某處拜奏朱表一通
上聞

斗極持為某夫妻解除星煞丐賜男嗣今

先發牋奏一函重封印全謹上詣

北斗九皇尊帝君聖前呈進伏望

師慈允臣所奏恭請

聖旨頒降

斗中三官五帝九府四司解二十四厄靈

官嶽府掌子孫等案城隍社令合干去處

特為某

赦宥宿愆解穰刑煞布正真之生炁灌胞

胎之命元流衍慶基早符熊夢如蒙

師允即賜感通干冒

師嚴某下情無任戰慄祈

恩俟命之至謹書

年月 日具位嗣教某代孫姓某 上書

祈嗣斗表

具位巨姓某誠惶誠恐稽首頓首再拜

上言臣聞無後為不孝之大者古人格言
秉彙其好德之民乎

天道明察臣謹據入意得此切照某祈求

男嗣以紹祖宗臣領詞難抑取今月某日

夜就某處拜奏朱表一通上聞

斗真恭祈恩力錫以嗣緣俾得刑煞消除

早符懇願謹錄事由須至奏

聞者

右臣誠惶誠恐稽首頓首再拜上奏

中天大聖北斗九晨上道君九前恭望

聖慈允臣所奏持降

睿旨告下斗中三官五帝九府四司解二十

四厄靈官嶽府掌子孫等案城隍社令合干

去處特為某夫妻消穰命中三刑六害孤辰

寡宿辟除天狗之妖早賜維熊之夢化度金

橋特生男嗣恭惟

衆星拱北臣

瑤闕以植乾綱一炁建中合

玉衡而立人極夫婦之端既重父子之倫何

偏以伯道之無兒悔難追駟苟燕姑之有分

夢斯得蘭情惟宗祀之期壇啓

真靈之禱伏願廣

天地生生之德運陰陽化化之機徐氏麟兒

感哲人之抱送謝家寶樹固世系之安榮干

冒

宸威臣下情無任瞻

天望

聖激切屏營之至謹奉表奏

進以

聞臣誠惶誠恐稽首頓首再拜謹言

年月 日具位巨姓某表奏

牒子孫案

太乙欠府

謹據某詞稱本命 年月日時生上屬

北斗某星君主照切謂祖宗付託子孫為

重切慮夫妻命中或臨三刑六害或值寡

宿孤辰子息難育無後可憂投向奏告事

當職得此照得來詞求嗣以紹祖宗難以

抑違除已牋奏

斗官書聞

師治照應外合行備牒請

詳前事疾速移文合屬互相知委應某夫妻命中或有利害孤寡及大小塚訟微呼復連等厄一一解散勿為留難取托生童小姓名照對有合得受生人世者注上生

籍授與某氏身中感

帝真之生炁灌胞胎之命元即諧熊夢之

祥早應麟兒之瑞以孚懇悃用闡

玄風須至牒者

右牒上

嶽府掌子孫案主者

照驗謹牒

年 月 日 牒

具位 姓某押

祖師中天樞相伏魔真君許

牒城隍 劉司命 同前改換頭尾

保安表

具位 臣姓某誠惶誠恐稽首頓首再拜

上言 臣聞思福預求出愚忱之一念有求

斯應賴

聰聽之九皇 臣謹據 實錄入 意至 析

恩保安事 臣領詞虔恪理合奉行須至具

表奏 聞者

右 臣謹謹誠惶誠恐稽首頓首再拜恭惟

中天星主北極紫微太皇大帝 御前

樞紐中天

網維列宿

掌世人之休咎握

宸極之權衡 臣某布壇墀以降雲舉獻花酌

水肅威儀而宣葉笈集福禳災伏願咫尺

神明鑒良心之發見尋常物理

錫善類之康寧家道其昌

真靈是賴干冒

威嚴 臣誠惶誠恐稽首頓首謹奉表奏

進以 聞謹言

年 月 日 具位

臣姓某表奏

求仕表

具位 臣姓某誠惶誠恐稽首頓首再拜

上言 臣聞不義而富且貴譬如浮雲有志

者事竟成自求多福 臣謹據 入 意至 祈

恩登仕事 臣領詞虔恪理合奉行須至具

表奏 聞者

右 臣謹謹誠惶誠恐稽首頓首再拜恭惟

中天大聖北斗九皇上帝星君 聖前

權衡爵祿品藻公卿有朱衣之點頭固知分

定指白虹之貫日亦令人為九廷所重任賢

一命皆可行志攄情

上闕屬意脩程伏願上粲光芒下符願望揚

名仕版俾孝子之顯親了事公庭保忠臣之

用世干冒

宸威 臣下情無任誠惶誠恐稽首頓首再拜

謹奉表上 進以

聞謹言

年 月 日 具位

臣姓某表奏

驅瘟家書

具位 嗣教第幾代孫姓某惶懼稽首頓首再

拜上 申

祖師中天樞相伏魔真君 凡前某不避

斧誅借陳丹懇謹據某詞稱 入 意 切慮 某門

中自昔至今故作誤犯罪孽深重未經懺悔

是致

上天譴責或分野與災元元之情深可哀憫

某代為布露赤心皈投

大道謹具家書上聞

師省特賜敷奏

上帝請降

勅旨告下三界十方所屬真司三元考校曹

官典者曲賜

赦宥其門中一切愆尤收回今年歲分行瘟

使者五瘟部下一切神靈特為消除災厄收

退病源如或外邪乘風為禍亦望

師旨差某將立為驅治務要鬼妖滅棄人道

安寧實拜生成敢忘補報如蒙

師允即賜

感通干冒

師嚴未下情無任戰慄祈

恩俟命之至謹書

年 月 日 具位嗣教某代孫姓某上申

牒將吏

太乙大府

謹據某入志 切慮其門中自昔至今故作

誤犯罪孽深重未經懺悔是致

上天譴責或分野與災元元之情深可哀

憫某代為布露赤心皈投

大道求為驅斥瘟癘保安家眷事當職領

詞虔切難以抑違除已拜發家書上申

師庭專為敷奏

上帝請降

赦宥外須至牒者

右牒上

某將大急前去告諭行瘟使者瘟部一切神

祇恭準

太上符命特為抱患弟子某收回病患速離

他方庶使時氣消除災殃殄滅或有下邪乘

風為禍準奉

符命立為驅治禁錮施行務要鬼精滅棄人

物安寧火急奉行立彰

報應謹牒

年 月 日 牒

具位

姓 某押

祖師中天樞相伏魔真君許

北斗宮分

貪狼子 太上宮太尉府

巨門丑亥 中元宮上宰府

祿存寅辰 真元宮司空府

文曲卯酉 絳幽宮遊擊府

廉貞辰申 網神宮斗君府

武曲巳未 紀明宮太常府

破軍午 闡會宮上帝府

左輔 玉帝府

右弼 帝真府

保病家書

具位嗣教第幾代孫姓某惶懼稽首頓首再

拜上申

祖師中天樞相伏魔許真君凡前伏聞

太上垂科因茲通達凡情有懇敢向

貸原不避

斧誅借有稟懇謹據某詞稱入意 得此某職

在濟人據詞虔切不容拒抑虔取某日就某

處恭按

太乙火府通明秘法謹為拜奏黃素朱表一通上詣

北斗九府列位星君聖前祈

恩謝過請福延生今先將

斗府勘合劍尖符左邊一半隨書上

呈欲望

師慈俯垂省覽繳連騰奏

北斗九府列位星君請降

敕旨頒下三界真司掌隸災祥去處嶽瀆城

隍里社司命等神先為患身某行神布炁定

魄安魂錫九轉之靈丹獲十全之功效仍白

頒降天罡華蓋正真生炁灌入某身田之內

毫竅之中俾六脉泰然除疾病纏綿之苦一

身寧爾享延洪茂衍之麻如某病患即可壽

命延長福祿尤厚不致纏綿是夜丐賜開雲

現斗黃雲紫雲穿斗本日滿天星現告斗時

分畧有黃雲遮斗現出一二斗星若壽數已

盡見病難愈滿天黑雲風雨交作若病纏綿

星數未順白雲滿天大彰報應庶使凡夫效

信仍望

赦罪解冤消災度厄延益年齡添注福祿移

威星而化作吉曜改惡煞以成善神前生怨

咎今世過違塚訟徵呼先亡伏連呪詛牽纏

邪巫魔禱

上天謹責下鬼訴誣伏尸故炁癆瘵蠱毒不

孝不忠不仁不義一切罪犯咸望解釋丐賜

赦原仍冀差降太乙火府十二雷神主將丘

青副將王成之雷神陳一言李德用孔明輝

崔實周明靜紀茂卿劉道明林慶白仲謝

部領雷兵千乘萬騎嚴整衣冠器械前下患

家某身中掃蕩邪妖驅除穢氣祇迎

帝駕行事之次恭望

師馭臨壇報應吉凶俾令某厄運回春災衰

痊愈即使某所告者通所禳者却干冒

師嚴某下情無任戰慄祈

恩俟命之至謹書

年 月 日具位嗣教幾孫姓某上申

直符關

太乙火府

今月某日某時為某事急告家書一通封

印全備謹謹上詣

祖師中天樞相伏魔許真君前投進須至

關者

右關

直符謝某使者同天道功曹齋捧至

太乙火府請上毋致措磨損汚遺墜違誤雲

程有限仍請

師旨回壇明彰報應立伺昭格久急奉行

年 月 日 時關 具位如前

道法會元卷之一百九十四